

邃

雅

堂

集

邃雅堂集卷之四

歸安姚文田撰

太傅董文恭公行狀

會祖炳文邑庠生歷贈光祿大夫 經筵講官太

子太傅 文華殿大學士

祖國翰歷贈光祿大夫 經筵講官太子太傅

文華殿大學士

父邦達雍正癸丑進士歷授光祿大夫 經筵講

官禮工二部尚書謚文恪入祀賢良祠晉贈太子  
太傅 文華殿大學士

公諱誥字雅倫號蔗林浙江富陽人其先自婺源來徙  
世有隱德八傳至文恪公始由進士起家厯官至尚書  
公爲文恪公長子幼穎異受書略諷誦輒皆上口初文  
恪公艱於子嗣年四十五乃舉公故愛憐之不甚加督  
策公稍長自奮於學時歸安戴禮部文燈以宿學負重  
名文恪公門下士也居相近公旦夕從之遊未逾年學

盡通遂以國子生舉乾隆二十七年壬午科順天鄉試  
明年成進士方

廷試卷進呈時公名在第三

高宗純皇帝以大臣子改置二甲第一

朝考入選改翰林院庶吉士充

國史館三通館協脩

英殿纂脩

皇朝禮器圖式纂脩三十一年散館授編修三十二年

簡詞臣入

懋勤殿寫金字經爲

慈寧皇太后祝嘏公與焉三十三年以未與大考加一級三十四年正月授詹事府右中允七月丁父憂三十六年服闋入直

南書房先食俸候補十一月補右中允三十七年正月轉左尋授翰林院侍讀充

日講官起居注三十八年十一月晉右春坊右庶子每

擢翰林院侍讀學士三十九年四月充

經筵講官學士得直

講筵蓋前此未有也十二月遷內閣學士兼禮部侍郎  
四十年九月署工部右侍郎尋正授再調戶部左侍郎  
歷署吏刑二部侍郎兼管理錢法樂部諸務充四庫全  
書館副總裁

高廟眷注公甚深四十四年十二月遂用爲軍機大臣  
四十五年

賜第西直門內新街口

賞紫禁城騎馬五十二年擢戶部尙書

派稽察欽奉

上諭事件處加太子少保銜充

國史館副總裁嘉慶元年乃授爲東閣大學士總理禮部仍兼戶部事務明年二月丁母邠太夫人憂

特旨賜經被飾終

遣御前侍衛額駙豐紳殷德帶侍衛十員奠茶酒公旣

奉喪歸

高廟每見諸大臣數

詢問董誥何時可來時川楚方用兵故望公來尤亟大臣等以書告公趣公行公私念墨經從戎此古人之義君上方有急而偷息田里非義也既窺豸事畢遂詣闕爲當路者所遏不得

聞公於

駕入宮之途次泥首謝



恩

高廟見之喜甚未幾降

諭刑部尙書缺一時未得其人董誥現在守制已逾小  
祥著暫行署理又

命公素服視事諸大典禮不必與四年正月遭

高廟大事今

天子始親政

派公總理喪儀仍在軍機處行走充

實錄館正總裁晉太子太保時當路者既敗猶命承鞠王大臣以沮公事嚴詰之是年服除充

國史館正總裁授

文華殿大學士仍總理刑部九月奉

命恭點

裕陵神主又晉太子太傅五年復充

經筵講官大清會典館正總裁七年以平定三省邪匪賞騎都尉世職十一年管理戶部三庫事務十二年

高宗實錄告成

賜公父邦達入祀賢良祠十四年晉太子太師三月公七十生辰

御賜贊樞錫慶額賜之

賚予甚渥復

寵之以詩十五年充

尙書房總師傅十七年再晉太保公日侍

禁闈至於

巡狩秋獮諸大典亦無役不從積勞久二十年

上以刑部事繁改總理兵部十月公已病常苦痰喘氣痛不能食蒙

恩數遣醫視至春和漸就痊然筋力大不如昔次冬舊疾復作因屢疏乞休

上念

先朝舊臣再四慰留不肯聽之去會入春稍瘥事遂已迨是年九月疾又作加以目昏聞不能辨字蹟復乞休

茲歲二月始奉

諭大學士董誥自乾隆年間仰蒙

皇考高宗純皇帝簡用供職內廷嗣於嘉慶元年擢授  
大學士襄贊樞廷綜理部務宣力多年近歲以來屢以  
老病乞休朕降旨給假慰畱令其安心調養茲復以氣  
體衰憊兩目昏花奏請開缺情詞懇切朕實不忍遽允  
所請但察其宿疾未痊若令勉強趨公轉非所以示體  
恤董誥著加恩以太保大學士致仕在家支食全俸俾

資頤養用示朕眷懷耆碩恩禮優加至意公旣解職有  
應繳官帑悉

子蠲除七月

上展禮

三陵

啟蹕日公力疾赴朝陽門外送

上至

盛京時

賜存問

賚子不絕於道及

回蹕駐桃花寺聞公疾篤

命內閣學士宗室載銓馳驛率太醫往視疾愈亟又  
命派軍機章京一人先回京備

賜經被十月初十日公薨年七十有九遺摺至

上爲之震悼卽

命定親王繇恩率侍衛等前往奠酒贈太傅入祀賢良

嗣給銀二千兩治喪官其子工部郎中淳以四品京秩  
越六日復

親臨邸第奠醊慟哭爲

製詩以寫哀有世篤忠貞清節堅及祇有文章傳子姪  
絕無貨幣置莊田之句蓋公父子厯事

三朝竝躋膺仕乃邸舍清貧本籍亦絕無寸椽尺土故  
御製及之又數日

命侍郎姚文田傳



諭其家刻詩墓次以示後人內閣上謚法敬慎事上曰  
恭

賜謚文恭公在樞禁幾四十年凡有所獻納皆面陳未  
嘗用奏牘歸亦不以語賓客子弟故世莫得聞然伏念  
高廟聖神文武爲生民所未有

皇上以

聖繼

聖於庶政罔不振飭如使公旅進旅退僅委蛇承順其

閒必不能受

兩朝恩遇之隆至於今不替公前後歷十餘考皆以恪  
勤匪懈得優敘大兵平臺灣廓爾喀旋公蒙

高廟恩再圖形

紫光閣竝

親爲製贊及晉陟綸扉論資公在第四有

旨以公克盡職特先擢用其後川楚鄂孽蕩平

上敘帷幄參贊功以公知無不言言無不盡

殊諭褒嘉焉知公之所以宣力於

國者多矣林清事起公以爲燒香祈福愚民無知所常有惟從逆者不可貸凡論上皆以是定讞所全活甚衆充會試正總裁者二充鄉試正考官者三充文

殿試讀卷官者十外如

朝考

召試諸閱卷事公鮮不與焉齋肅詳慎惟恐遴選不得其人天性孝友居文恪公憂哀毀骨立邴太夫人卒時

公年已六旬扶櫬歸日行數十里未嘗以輿馬代步在籍時巨紳某亦持服家居來謁公車馬僕從甚盛道遇二人昇肩輿一老僕從詢之卽公也甚慚以漸斥儀從去及公門無幾存者一弟誠友愛甚至誠官閩省縣佐卒於任公迎其柩歸葬富陽撫所生子女如已出好施與尤敦任恤同郡陳戶部木病且革遺孤纔數齡親族無可依者以託公公令長子淇子之延師課讀旣長爲之聘娶有鄭比部者公會與同朝其子某踵門求助言

公嘗受業於比部公曰我固無此然鄭公亦鄉前輩也厚助之去若此類不可悉記生平所學以敬爲主故遇人無貴賤處事無大小未嘗不持之以敬視天下無不可與居之人然人亦未有敢侮之者口不言臧否而於人之賢否邪正胸中較然若黑白分遇事謙若不及人及指陳得失必洞見利弊能闇記尤熟於朝章故事人所不知者以諮於公無不悉娶馮氏再娶秦氏皆贈一品夫人秦夫人爲禮部郎雄褒女雄褒先緣事遣戍及

秦夫人卒

高廟以公故釋歸里雄褒至京詣公謝曰此

恩出自

上且

諭令回籍至京何爲者終不見其愼如此子四長淇以  
公任爲戶部郎中先公卒次承澤次承保皆早殤次卽  
淳以淇卒後

恩授工部郎中今候補四品京職女一適兵部侍郎溫

公汝适子承悌嘉慶丙子科舉人孫男二駮驥先是文  
恪公以書畫受

主知公繼之亦以文學備位侍從

高廟春秋既高不能作蠅頭字皆

命公代書所進奉畫本貯

內府甚夥竝收入石渠寶笈三編乃皆公餘事不具載  
謹狀

嘉慶二十三年十月既望門下士

南書房行走戶部右侍郎兼管錢法堂事務姚文田狀



先府君行狀

嗚呼自文田生甫一週而大父卽世我府君貧不能自立則遂橐筆走四方迨文田得官中書然後歸而息焉文田兄弟材質庸下不能早有成立使府君薄遊於外者幾四十年每一念此未嘗不盡傷心也府君少勤學年弱冠得略血疾比升於庠僅三應省試爲貧故棄諸生以游嘗謂文田等曰吾先人自明代以經學起家累世幸通籍爲清白吏有聞於時及我已七世矣痛弗克

仔肩若等又不自振拔懼先人餘澤將自此息也言畢  
歔歔欲涕居大母沈太夫人憂時文田已九齡見府君  
哀毀至杖不能起所與遊罔非正人後歷參大府幕視  
公事一如家事每雞鳴卽起秉燭理案牘雖細務心無  
敢不盡以此爲時所敬禮錢塘憩園王公初以縣貳需  
次金陵遇府君於逆旅一見輒傾重招與之同館焉時  
王公亦困甚兩人常易衣而出其後王公以清釐江南  
全省積案膺大吏薦由江陰丞擢宰甘泉晉守徐州再

晉蘇松糧儲道尋司蘇臬至開藩金陵前後二十年間  
事無鉅細一以諮府君倚如左右手親愛過於昆弟今  
其諸子官河工江防司馬者皆以父事府君故文田亦  
俱弟畜之也王公既沒府君一從今直督方公於畿南  
聞吾母沈夫人喪歸再應蘇藩張公聘自此不更出矣  
始大父時席先世門蔭資產尙足自給大父好施與遇  
窮乏雖傾囊不吝故身沒之日家無遺財府君惟恃硯  
田以養然稍贏卽以濟戚族喪祭之禮有不能舉者皆

身任之及歸未嘗有一壘之植文田官中書數年祿入薄不能以逮親嘉慶四年春

今上初親政文田荷蒙

厚恩以對策獲高第改翰林院修撰明年主廣東鄉試又明年主福建鄉試是歲復

簡任廣東學政後數月始迎府君至粵署府君性儉約每食稍豐腆必立卻之一衣至數十年不易嘗曰吾視昔困窮時得此已爲過矣文田試諸郡歸所錄卷必索

親閱一日閱稍多猝眩仆幾至不測後衆皆勸止府君曰我無他視取舍公否耳學政責在訓士粵俗嗜利喜構訟文案常填委府君親爲剖決文田莅任甫兩月府縣詳褫者至七十餘人後夏三年乃不及半其教令皆出府君手也及文田差滿北旋請府君偕入都府君以舊疾畏北地高燥不赴又二年文田方典山左試事畢還京而府君卽於是月遘寒疾倉卒捐背南北相隔三千里音問不能卽達湯藥飯含俱不及一親哀痛悔咎

泣嗟何及貪祿忘親實死有餘責矣文田旣踰隄南歸  
念窀穸不可久淹遂卜兆於郡城南十五里之漁蕩邨  
以是年十二月癸巳下窆奉妣沈夫人棺合葬焉兩弟  
皆先卒卽耐於穴之左右畚鍤期促志傳都闕又悲府  
君在外日久所行事多不能悉故遲回姑待者且一紀  
於茲今歲欣逢

天子周甲慶辰

澤覃海內文田以備位侍郎有加級得

推恩褒及三世將樹表石於阡因敬就所知者彙述本末用丐言於有道君子爲之論次焉府君諱益治初諱益濬字深仲號達齋歸安縣學增廣生前累封內閣中書翰林院修撰七世祖諱舜牧前明時官廣東新興江西廣昌知縣擢廣西全州知州所至有惠政封陝西道監察御史經明行修爲世大儒所著六經疑問采輯入御纂諸書六世祖諱祚重歷封嶺南道叅政以厚德聞於鄉里高祖諱延著河南右布政使前司臬江南時所

存活萬人江南人祠祀之曾祖諱淳恪山東昌樂知縣  
調浮糧剔弊政以勞卒官其邑人祀諸名宦祖諱德升  
中書科中書本生祖諱德謙國子生考諱世孝歲貢生  
前累贈翰林院修撰自中翰國子兩公下逮府君並以  
文田貴贈光祿大夫戶部右侍郎加三級妣皆贈一品  
夫人府君生於雍正癸丑八月二十九日卒於嘉慶丁  
卯九月二十一日壽七十有五配沈夫人淑德昭聞先  
公十七年卒文田官翰林時先贈宜人有家傳備詳事



蹟故不悉載子系亦具先妣傳中後納側室張有子二人  
人文機文琛女二人嘉慶二十四年三月朔日男文田  
謹狀

季父伯兄合葬墓誌銘

季父諱益潢字成季大父箕山府君少子也生九歲大父卽世吾父撫之至成立以貧故挈遊食江南竟客死爲人醇謹無過差伯兄諱加穎字藝馨自號馥堂邑諸生亦隨吾父走江淮以歲試歸會郡中苦旱郡人畢出詣嶽廟祈雨伯兄體素羸觸暑邁疾以卒性勤學雖病卷帙不去手齋志不遂有遺文行世季父生於乾隆辛未十月六日卒於乾隆乙未十月二十五日年二十有

五伯兄生後季父三歲實甲戌十月二十二日也以戊戌八月十一日卒年亦二十有五吾父痛兩人之俱未及娶合兩棺葬諸祖塋孟家山之原用古族葬例也位伯兄下方明尊卑也既定宅命文田爲銘藏諸墓幽銘曰

嗚呼季父之醇伯兄之勤天豈欲貧之也而貧天豈欲天之也而天命則屯夫奚言卜宅於茲其永年

許拔中憲大夫四川川東兵備道贈按察使司按察使符公墓誌銘

公諱兆熊字某河南寧陵人先世皆以材武致通顯爲邑著族父宏烈祖遐福竝前擢武科以公貴贈中憲大夫公器識敏達自少時卽喜爲吏性果敢有施爲後竟以積功有聞於時其歿也

天子聞之爲咨惜焉公初筮仕得四川郁山鎮巡檢時囑匪張印糾衆肆掠擾黔江彭水諸邑官吏畏其鋒莫

敢制勢日以橫公莅任匝月親率民夫奮勇遮緝賊竄入楚省界公越境窮追賊勢窘轉相格鬥凡七戰皆勝擒其黨三百餘人衆遂散公以此負能吏名及金川不靖大吏檄公督南路糧運飛芻輓粟無後時賊匪索諾木伺閒焚奪公督兵且戰且守手殺賊十餘輩賊乃遁去遷榮縣知縣旣以調赴章谷獲敵閒又邑人朱天祿等謀不軌公邏得實搜捕六千餘人暨旗印甲仗無算

事聞

上嘉之擢打箭鑪同知鑪地界外番夷民時出抄略不可止公至嚴設科禁誅緘太拔拔交等百餘人患自此息巴勒布之擾西藏也公以勞授順慶知府調寧遠政皆有聲寧遠猓獍竊擾公濟威以德民知畏法崇慶姦民宋老開等燬掠邨保大吏命公往剿立擒繫七百餘人朱天順倡衆肆逆公以計殲之境內寧謐西師興前大學士福文襄王督師蜀中夙知公幹勤派主綽斯甲軍馬糧務旋總理西臺糧餉先有

旨賞戴花翎尋授四川鹽法道又改補川東道公自始  
仕至有事西藏所歷皆艱鉅危難率奮勇不自顧惜故  
往輒有功文襄王移師征苗復以川黔軍餉付公綜理  
而公積勞致疾以乾隆六十年五月某日卒於師年六  
十有七奏入加贈按察使官其子元魁州同知元魁幼  
隨公歷行閒能知軍興事宜公沒後佐諸將帷幕頗有  
勞亦以捕逆功升四川知縣將以某月日奉公柩歸葬  
於先人之兆來請銘公配某氏歷封恭人子一卽元魁

女三人銘曰

符之得氏蓋以世官自漢而降代有著聞其居於汴實  
自唐始前輝後暎隆隆蔚起公才挺挺位以功躋不遇  
盤根利器誰知昔在忠州湍流肆悍沈鐘告神民以無  
患公之精誠力能格幽矧茲民人胡驛不柔以勞隕身  
延賞及嗣析薪負荷令名世濟大河之南寧陵之陽卜  
宅旣吉終然允臧



贈雲騎尉福建彰化縣巡檢陳君墓誌銘

君諱慶字樹青先世江州人宋史稱義門陳氏是也元時有諱理定者官撫州路同知子孫遂家金谿爲著族君祖諱人鳳父諱際輝皆不仕君由國史館効力議敘授福建南平縣滄峽司巡檢調同安縣石滸巡檢又調彰化縣貓霧巡檢林爽文之亂解餉渡臺灣中流遇風溺焉

天子以其死王事卹如陣亡例

賜祭葬入祀昭忠祠贈雲騎尉襲三世其家人求其屍  
不得舉衣冠招魂葬之將勒石以誌甲寅三月其弟惠  
疇見文田京師因以銘辭屬文田聞爽文滋事其故由  
長吏貪殘不能奉

天子德意以教養斯民致上下相猜積而成變君所至  
視民如子閭地多港汙須浮梁吏胥輒藉詞伐人墓木  
君嚴設科禁豪吏懼服民苦差繇累君以時徵調有制  
民稱優彰化有陳姓兄弟爭產君置酒諭曰吾與若同

姓當以吾家事勸若不聞有十三世同居旌門貸粟者乎若等以產故致訟卽非復人理矣兄弟皆感泣去訟遂解其理民皆此類惜位卑秩微所設施不能及遠然使官是土者皆似君又安得有稱亂以干天討之事哉君以一巡檢能脩其職撫其民卒爲國以實其生雖未盡厥施抑已過人遠矣君好義期以必爲在京師時閔鄉人之不克歸葬者倡議置義冢令人守視其鄉人或以冤繫獄禍不測君聞之曰是兩世一身一不幸無遺

種矣力爲營救得脫金谿人至今稱之君生於乾隆戊午八月十四日卒於乾隆丙午十二月二十九日年四十有九娶王氏無子以弟豫子榮祖爲後襲雲騎尉惠疇曰吾兄以身殉王事蒙

天子恩卹及於三世亦可以無朽矣獨恨骸骨不得歸葬願爲銘以志墓魂有知尙來依此也文田不敢辭銘曰

其生也能其其死也能忠委軀乎濁流返魂乎幽宮命

之蹇

恩則崇昌爾後宜無窮

邃雅堂集

卷之四

壽

武功大夫漕標中軍副將白公墓誌銘

嘉慶十有四年余客遊於揚揚之士大夫方以前遊擊白公政績聞於

朝入祀名宦祠蓋公之沒已二十年距公之宦斯土且四十年矣何揚人思公之深也既而私於揚之人知公行事甚悉公諱雲上字凌蒼先世汾陽人曾祖用始占籍河內累世以武功顯父光顯官汝寧守備

憲廟時隨大軍征策旺諸部進至星宿海督建城柵積

功升富賀營都司以公貴贈如其官富賀公生三子公其仲也生而俊偉有奇氣善讀書自以世受韜略不敢廢乃專意騎射技日進能引數石弓置兩的左右馳射百矢無虛發乾隆十五年舉於鄉明年成進士授藍翎侍衛二十一年出爲平望營都司平望近接具區多支港大澤姦宄駕舟出沒爲商民患舟皆銳首長身運檝如飛公邈得卽毀之先後破獲七十餘案時桂林陳文恭公方撫蘇數稱公賢倚如左右手厯署江陰常州遊

擊皆有聲三十年擢揚州遊擊兵卒素窳惰生事公教  
誠約束營制以肅又於馬神廟設義塾令兵士子弟讀  
書其中後循循漸知禮讓校場舊在新城民稠地狹制  
府高文定公始移蜀岡之陽公植柳萬株以庥士卒驛  
堠營堡皆令插柳夏蔭行旅冬備采樵人享其利揚郡  
屋宇鱗比風日晴烈易致火舊製有太平桶水礮諸禦  
火具兵士演放久疎臨事手棘公至猝演試扶不如法  
者日置馬二伺火發卽飛騎救不待報嘗曰火必有路



審向背候風色擇要害撲之餘可自止體趨捷升屋如履平地拉木摧牆無不應手滅姦民劉長有者屢縱火思掠財物公捕得之置之法自是火患遂稀揚民數十萬戶恃輦薪以炊每束定價三十三文輦艘自瓜洲入城多爲吏胥婪索輒減束取直以應之公謂小民多一束薪卽可供一炊用禁加派核偷減商民兩利城西壤接泗州山地無溝洫嘗苦旱去城七里有龍神祠甚湫隘公徒步虔禱七日夜大雨如注乃增構而新之後以

地遠移廟甘泉山實自公始也四十年擢金山參將揚人泣而送者數十里四十四年又遷漕標中軍副將時漕帥長白鄂公毓公皆久知公名交重公方以總兵薦而公已以疾力求去無不稱惜者公所至視士卒如其子弟所以愛養教督無不至內行潔未嘗妄取與在揚時嘗以救火有巨室擔錢數萬犒兵者公卻之曰此例行後或有事兵將視貧富爲緩急矣人咸謂公能持大體善詰盜擒伏如神淮關公廨嘗被盜訊者逮監督家

人雜鞫之制府檄公會勘公詢知盜皆邳徐語音白制  
府盡釋繫者曰願假百日當以真盜報微服至蕭碭閒  
於市中見淮關銀密偵之果得盜首時銅山竊案久未  
獲亦賴公得正賊事聞

上嘉之

詔送部引

見垂問甚悉公既引疾去官因就醫於揚揚人無少長  
皆親暱公一日疾微作遽卒於行館或見公輿從甚都

呵殿出城闔以公之行事如此其歿而爲神亦事所宜  
有也嗚呼揚州東南劇郡數十年來官之至於斯者固  
不乏人而民所惓惓乃獨在公非其有入人之深者而  
何以至是今

天子旣兪衆請俾公祠於此邦其子守清將歸葬於沁  
水祖塋因來乞誌墓卽撰次所聞以紀諸石公生於雍  
正二年六月十九日卒於乾隆五十五年二月初一日  
年六十有七元配韓夫人先公五十年卒葬於先塋之

次繼配張夫人恭儉有禮後公十年卒子二長卽守清  
兩淮鹽運司知事次守廉乾隆癸丑進士今官安徽石  
埭知縣皆能守遺訓以節操自勵公之澤吾知其久而  
未艾也銘曰

字而愛之公澤貽尸而祝之民所思公歸其居兮惟億  
萬年永固茲

董孺人墓誌銘

孺人董氏浙江嘉善人皆言先世自華亭來今不能詳也孺人年二十二歸今穀城令周君以焯周於邑中爲右族孺人幼淑順有令聞故君母李太孺人擇娶焉未逾年君橐筆走西蜀君兄以炳官永寧州倅亦挈其孥之粵西方是時依李太孺人以處者獨孺人在耳孺人溫溫色養言動無違禮逮嘉慶二年李太孺人病且卒孺人親奉湯藥視飯含中外無佑助者而卒能喪哀祭

誠舉不失孝時人以爲難時川楚姦民倣擾君方挾策  
干大帥遂佐戎幕參謀畫以功授知縣軍興旣不得歸  
則攜孺人至楚中未幾有

恩命補持服孺人乃獨畱楚卽於是年十一月十有八  
日沒於穀城寓舍實嘉慶八年癸亥也距生於乾隆三  
十六年七月二十七日年三十有一君聞之甚痛悼以  
喪未卽歸後八年始諷吉於邑之一豐圩而營兆焉以  
妾王氏祔王故成都人從其父寄居嘉善楓涇孺人歿

後君納主中饋亦克脩婦道十年四月卒於穀城官廨  
年二十有二義得附書孺人有女一適臨安胡某銘曰  
婦人之義以孝爲先子職是兼乃處其難婉婉孺人令  
德靡訾胡天之虐不畀以年旣定斯宅惟以不騫



江南海防河務同知沈君墓誌銘

樹軒沈君以疾卒於其宗祠之後齋族之人皆走哭失聲其親戚聞之亦無不泣下如失所依者蓋君孝於親友於兄弟能敬事宗祖以推及於中外之親飢寒困乏靡不竭力而存恤之故聞其卒而相率爲之痛惜也余於君爲外兄熟君行事茲君之孤尙錦等來請誌其墓誼不可辭君諱琪字中脩樹軒其自號八世祖諱應登前明時贈工部尙書尙書第三子諱子來貴州按察使

副使由副使四傳至曾大父諱愷曾康熙壬戌進士改庶吉士又改監察御史以直諫有聲

聖祖朝再任兩廣鹽政大父諱世栗贈台州府學訓導父諱光第太學生自訓導下兩世並以君貴贈

奉政大夫祖母董前母周皆贈宜人母王封宜人君本世族子自贈公時家已落贈公早游食江南王宜人又蘇人遂移家焉君幼秉至性見贈公方衣食奔走而王宜人惟日侍鍼黹以給常怒然不自安私念祿養未可

期不如謀生計猶得以奉親遂毅然棄儒而學賈忍飢寒習勤苦未數年屹然有成立既甘旨無缺乃成家爲兩弟昏娶久之益推所有餘贍宗族葺祠墓凡所能爲者無不爲贈公沒居喪盡哀禮服闋會南河有投効例遂以貲自効初授官得桃北署缺值伏秋河水暴漲君歎曰此億萬生人命也親執畚鍤立危隄晝夜督丁築事遂集尋補高堰通判高堰爲洪澤全湖保障舊築石隄水壯而隄單一不慎淮揚爲巨浸君謂石工非先築

越垣則不能見底築又需帑多往時僅募善泅者就水中壘砌常易圯君捐已貲鳩工出其底而增寬焉布巨石箝以鐵錠使勺水無得汕刷又鑿其上石如浪紋遇水卽下注無涓滴滯蓄隄成前河督徐公極嘉賞之擢海防同知先是王宜人常就養清江官舍地卑濕易邁疾君弟璜因迎以歸及癸酉夏璜攫疾卒君念母情切屢思引疾求退由此頓失上官意遇公事多鑿柄君愈恐隕越貽母憂竟堅乞終養去職南河自乾隆時官皆

安富嘉慶四年以後聲色博飲之娛已自衰息惟投効  
率皆縉紳子弟多年少服用輿馬費常倍又事事任用  
他人亦不能無靡耗故公帑常至缺乏君素儉約裏衣  
至補綴數重不輕易每事必躬親雖纖毫皆有稽覈以  
此獨得不匱忌者乃謂君挾厚貲歸其被傷未始不在  
此也君既獲陳情猶以事羈留不遣丁丑歲暮心忽動  
卽兼程歸時王宜人年八十一矣果疾作君至侍湯藥  
七晝夜遂沒孝思之誠越千里相感如此君一姊兩弟

手足之愛綦篤幼弟珩早卒憫其婦金早廢待加厚孤  
崇錦甫周晬撫之過所生既長爲之成室已有子女矣  
世父諱光篆官台州訓導宦窳久淹從兄琳官長蘆鹽  
大使未有後以長子尙錦後之爲營葬焉王宜人好施  
與君仰承母志雖空乏不自恤平生尤篤於本根常捐  
置祠墓田若干畝又重葺侍御府君祠宇若干楹茲歲  
以宗祠歲久未修與族人之達者各出貲如力而君綜  
其成時免王宜人喪未逾月卽親至躬督匠役以盛暑

感微疾忽不能言嗣在祖居之竹塹去湖城二十餘里  
急至城延醫不能及而卒自君卒而族之貧寡者皆失  
望矣吾母沈夫人君之從姑也君姊又爲余弟婦後數  
日赴至江陰爲悲悼不能自已君生於乾隆辛巳正月  
二十日卒於嘉慶庚辰六月初三日配杜氏封宜人無  
子側室吳氏陳氏子三後世父者側吳出次文錦毓錦  
皆側陳出孫一兆藩尙錦子也方贈公易簣時遺命卽  
卜兆於蘇及君復念首邱之義仍自擇吉於郡城南茅

東港至是遂定窆焉銘曰

君之行誼惟孝與友於國於家厥事咸理念祖不忘爰  
逮續似敦睦之誠久而無已斯人云徂悲不能止早營  
菟裘言歸故里永保厥藏世受休祉



亡室周夫人壙誌銘

夫人周氏諱瑤字蘭嶼一字蕓卿嘉善人父諱鼎樞陝西武功令母陳孺人夫人生有夙慧甫能言卽解承父母意五齡教之讀能通曉大義箴箴之屬學之靡不極精緻旣長容貌逸麗髮長七尺光華動人鄉里慕其名爭願見之夫人動必以禮非大事不輕出有賂婢媪伺夫人將出輒先告冀一遇者夫人守益謹武功公絕愛之慎於擇對夫人嘗夢神人指一綠袍者告之曰是汝

壻也心異之年二十二字於予初夫人嘗從叔父山茨公於蒼梧道署亦甚得其歡愛予早竊文譽見稱長者夫人既來歸叔母姚恭人歎曰斯真佳偶矣其至予家上自舅姑下至婢僕外逮姻戚未嘗不稱善者季弟干之病瘵卒吾母沈夫人痛之甚時賞兒生甫百日子卽以爲弟後夫人極稱善曰如是斯稍慰母心耳武功公暨陳孺人沒後夫人繪像懸室中歲時奉祀弗替其他行事不能悉記予於夫人之沒痛悼殊不自勝旣脩述

行誼書之遺照以當家傳茲卜吉於郡城南之蘆田圩  
將營葬復舉其未備者以爲壙誌予前官翰林修撰夫  
人得封安人及爲侍郎又封一品夫人生於乾隆二十  
二年十一月十八日卒於嘉慶二十四年十月二十七  
日壽六十有三將沒之夕家人輩聞舟岸喧雜似騎從  
導迎聲甚盛闢戶視之卒生子二培宜培賞皆太學生  
女一早殤銘曰

佳城鬱鬱兮子其先歸終當與子同穴兮亘千載而相

依

午庭沈公墓表

公諱光正字仲川號午庭浙江歸安人前明有贈尙書  
諱應登者生三子其季諱子來由進士歷官貴州按察  
司副使四傳至諱愷曾康熙壬戌進士由庶吉士改河  
南道監察御史以直言有聲再任廣東鹽政侍御公第  
五子諱世業封脩職郎龍泉縣學教諭則公之考也教  
諭公佩服儒行言動必於禮法鄉里有端人之目生六  
子公次最後夙稟義方篤信好學蚤歲補邑諸生騰譽

庠序家故貧旣屢應省試不售則載筆走江淮閒時單人黃公時俊宰揚州之興化聘公佐幕務相得甚未幾黃公以養歸重公行誼不能捨復延公至其里此公所由以入單之始也公依黃後數年而配徐孺人卒所生二子一女方熒熒失恃因竝挈以至單其後所與姻連皆單人則遂占籍焉文田母一沈夫人爲教諭公季女實公之姊也故文田始入塾嘗從公學及文田有職於朝而公徙單幾三十年矣嘗思因事至齊魯閒或得一

過從丁卯秋文田奉

命典試山左而公適於是年春易簣竟不復相見也悲夫悲夫公卒之明年其子茂生等因遷徐孺人祔合葬於單邑某鄉之原又十年以書來屬表公墓蓋懼陵谷之易改而遷徙之無徵也徐孺人子長茂生職監生次復生嘉慶庚申科順天鄉試副榜貢生公在單納側室張氏又生子某某皆邑庠生竝能世其家學知必有興於單者文田尤將有厚望焉故竝記之至公生卒年月

及子系婚族茂生等已勒諸碑陰不備書嘉慶二十三年歲在戊寅三月朔日甥姚文田謹述



莆田陳徵君銘陰

莆田陳恆山徵君以道德薰於鄉里一時賢士大夫翕然宗之事親孝與人忠化民成俗樂善不倦身沒之日莆人懷其德前學使嘉興錢公誌其墓少司馬萊陽初公爲之傳其家世行事備矣嘉慶乙丑七月其孫梓復以狀來丐余言余之文不足以傳君願念君以賢者後世有令聞稱之以風世可也遂用昔人書銘陰之例系之以辭曰

正獻之胄忠良之裔樹善有聞以克永世戶說詩書人  
敦孝弟德薰於鄉休聲無替蔚蔚蚶山松樅是藝物土  
之宜邦人之惠本澗末茂其宗自大迪光前人揚聲海  
滋

祭閔撫部文

維年月日某等謹以清酌庶羞之奠致祭於

皇清誥授資政大天原任江蘇巡撫閔公之靈曰嗚呼  
弁峰之英苕水之靈篤生人傑蔚爲時楨懿維我公系  
出東魯明德之胄迺於南土旣家吳興數世而昌奕奕  
簪纓休有烈光爰述我公厥聲克紹英異在髫騰譽自  
蚤旣逾弱冠遂登賢書載捷南宮筮仕之初弼教以刑  
惟明時克法持其平罔有冤抑

帝心用簡誕昇文衡視學齊魯多士雲蒸爰自輜軒遂  
陳臬事獄多平反民蒙其利作藩南國績美旬宣江漢  
之濱思甘棠焉弊吏以廉在公惟敬克慎克勤以承  
麻命宰臣咸薦實由

主知乃俾建牙皖江之澹

帝惟東南吳會稱最政煩職鉅匪賢曷賴再移公節爰  
駐吳趨下車之餘吏肅民紆公以一介並膺

重寄夙夜兢兢罔敢辭勤案牘不擾庶政無愆在廷考

績莫之或先既以一肯綮於吏議

帝念其勤卒用寬管公歷中外四十餘年布力宣猷遐邇稱賢教成於家式穀是似莘莘擗擗亦克濟美或由文顯或以材稱並知於時各奏爾能公之經綸

天子是翼公之德行鄉人是式永作典型邦人所思何圖隕替行道咸悲生而有榮沒祭於社緬惟我公庶無愧者某等後進或託託葭莩聞公之衰悼心失圖敬因北風攬涕攄臆卮酒詒陳神其來格尙享

祭惲子居文

維年月日具官姚文田謹遣使以清酌庶羞致祭於前  
任江西瑞金縣知縣子居惲大兄之靈曰嗚呼昔在甲  
子予經豫章見君館舍拜君高堂款洽終夕紛羅酒漿  
及君北來予之大梁蹤跡相避遂如參商越茲不見十  
有四霜何期一別泉路悠長君性狷急行己以剛下視  
世俗塵垢秕糠與物微忤氣奮膽張予每獻規亦云孔  
臧及其遇事則又如忘屢宰下邑澤流惠滂傲睨大吏

如其輩行衆雖嫉之謂爲吏良鄙夫安能卒用大傷勇  
於爲文軼宋晞唐詆訶異趨詞鋒莫當科舉學行古文  
久亡沿波討源爲世津梁嗟予於學早不自獲老而求  
助非君誰望乃不懋遺哀哉彼蒼思我親串德如珪璋  
惟憚與胡情愛相方胡君前逝宿草墳荒白髮慈親支  
離在牀今君復然摧肝裂腸懷舊臨風流淚浪浪南北  
各天不能飛翔緘詞寄哀祇酌一觴